

BIYOTZ GAŠUA!

LEO DE SILKA-RI.

¿Nola Ulia mendiñ
 Baserri chiki bi?
 Artan bizi da Anñon
 Ta ontan Koncheši,
 Biyotzak emanikan
 Batak bestiari.
 Neskachak dauka borda
 Chukun eta garbi,
 Inguruan dabilta
 Berrogei bat ardi,
 Tarteka dituztela
 Nabar, belch ta churi
 Arkumecho lirañak
 Saltoka gošoki.
 Anñonek bere lurrak
 Dauzka guztiz ongi,
 Libre danian lapak
 Bildurik ugari,
 Ta gure Donostiya
 Egiteko aundi
 Karriatutzen ditu
 Zenbait gurdi-arri.
 Ta... jakiña: bidian
 Asirik kantari....
 Ateratzen da beti
 Leiora Koncheši.

.

Anõnek baserriya
Nairikan erosi,
Joan zan Amerikara
Ta etzan ageri;
Orla, eguna joan ta
Eguna etorri,
Goiz batian Koncheši
Sentitu zan eri;
Itsasora begira
Zegon beti beti,
Egunaz nola gabaz
Ametsetan noski,
Ikusirik etortzen
Urruti!... urruti!...
Allegatutzen etzan
Ez dakit zér ontzi.
Era ontan luzaro
Etziteken bizi.
Beñ, penak eroturik,
Kalera zan jachi,
Ta topo egin nuen:
Zegon geldi-geldi...
Ez ninduen tristiak
Seguru ikusi:
¿Zer zan?... Charmangarria
Jotzen ziñan ari,
Baña... ¿da pianua
Edo zer da ori?
¿Zuk nola jotzen dezun
Iñork bai al daki?
Zerutikan datorren
Gauzen bat diruri....
A!... galde Koncheširen
Biyotz gašuari!

ANTONIO ARZÁC.

